

dicionado na bo  
Instala Aireacon-  
cas AWOR!



Tel. 2170


# ARUBA ANSE COURANT



Diario



pa Aruba



ANJA 22

DIAMARS 23 DI AGOSTO 1960

Nr. 3818

## FLASH

CUMINZA GANA PLACA AWE MES Deposita fls. 3.900.— y ricibi back fls. 5.000.—

Pa mas informacion acudi na **LA ESPERANZA** of jama telefoon: 5201 - 5191

Deposita fls. 390.— y ricibi back fls. 500.— of

**LA ESPERANZA**

## SATELITE CU HENDE ABORDO LO SER LANZA DEN ESPACIO E ANJA AKI MES

### E CONOCIDO LEON PROFEET A FALLECE



ORANJESTAD. — Diasabra ultimo nochi 8'or a fallece den San Pedro hospitaal na Oranjestad despues di un enfermedad cortu un conocido eura-zolenjo biba na nos isla, senyor Leon Profeet. Senyor Profeet un ex-emp-leado di Douane tabata emplea prome cu su morto na e Liberia Publico, lugar na unda indubablemente aman-tenan di buki sa'hai un bishita y a caya conoci cu e trato fini cu semper e senyor aki tabata pa cada uno di e miembronan di e biblioteca. Na edad di 49 aña senyor Profeet te ainda ta-bata dedico activo na e deporte di tennis y algun luna pasa ainda a tuma parti den e exitoso torneo di tennis or-ganisa riba canchanan di Aruba Jrs. Popularidad di e eura-zolenjo aki a keda demostra ora cu un fila grandi di amigos y conocinan a hibelu na su ultimo lugar di descanso na Santana Catolica na Oranjestad diadomingo atardi. Entrenan nos a mira su senjora cu a bini for di Corsow hunto cu un jiu muher, un ruman muher di e falle-cido y tambe diputadus E.O. Petrona, I.S. de Cuba mescos tambe bibliote-cario sr. dr. Johan Hartog.

### MARTIJN A BIRA AGENTE PA COLGATE NA ARUBA

ORANJESTAD. — Firma E. & G. Martijn (Aruba) Ltd. a hanja agencia di Colgate-Palmolive Co. di New York. Despues di a traha casi cuater aña sin agente na Aruba, e fabrica Americano aki bon conoci pa su habon, pasta di diente y otro pro-ductonan di Palmolive, a nombra un firma local awor como su agente. E nombracion aki a drenta na vigor ofi-cialmente 1 di agosto u.p.

WASHINGTON, 22 agosto — Si tur cos marcha segun deseo, na fin dje anja aki Merca lo ta den posicion di lan-za un cabina pa espacio cu hende abordo, asina a worde informa awe di parti di e organo Mericano pa aviacion y satelitenan. Mas o menos un cuarto di ora despues di e lanzamento dje cabina esaki lo regresa pa tera cu ayudo di paracaidas y lo e cai aloun parti den Ocean Atlantico. E experimento aki mester tuma lugar prome cu nan lanza un satelite cu hende aden pa circula mundo.

E intencion ta pa manda e prome satelite cu hende abordo durante anja 1961.

Merca ta apura su preparacionnan, desde cu e rusionan a logra di lanza 2 cacho den un satelite y largu nan bin mundo bek. Circulacion rond e or-ganizacion mericano pa aviacion y sa-telitenan tin micu cu Rusia lo pasa Merca den su esfuerso pa largu ta hende circula tera.

„Lo ta un error di nos banda si nos no ta e proma pa manda satelite cu hende abordo den espacio”, tabata de-claracion di dr. Keith Glennan, direc-

tor di e Organo Mericano pa aviacion y satelitenan. „Pero ta mas importante tambe pa tin tur seguridad cu el lo re-gresa sano y salvo di e bisha aki.”

Circulacion rond e organizacion ta e sa cu, si tur cos bai bon, e experi-mento lo por tuma lugar algun dia prome cu Pascu.

### Preparacion pa e bisha pa luna

Dos piloto di forza aereo mericano, cu a pasa 5 1/2 dia den un tank di stal cuba, pa haci experimento den e cir-

cunstancianan bao di cual lo mester haci un bisha na Luna, tabata den bon condicion ainda, ajera nochi. Nan lo mester pasa un total cantidad di 17 dia den e tank. Esaki ta e cantidad di dia cu nan a calcula cu un vuelo di ida y vuelta pa luna, lo dura. E tank ta contene e equino tambe cu ta necesario pa un satelite den cual por bai Luna.

### MAS ACUSACION PA ADOLF EICHMANN

FRANKFORT, 22 aug. — E co-rant „Freimauer Korrespondenz” a in-forma cu Adolf Eichmann, kende ta den prison na Israel actualmente, riba acusacion di asesinato dje judician, ta responsable tambe pa e extermina-cion dje masanan na Alemania.

Na 1933 tabatin 80.000 masen y despues di guerra tabatin solamente 5.000 di nan na bida na Alemania. E perdicionan material dje mason-nan ta ascende na 80 milien goud-mark.

### MR. H. C. WILLEMSSEN HOSPITALIZA

ORANJESTAD. — Diasabra mai-nita e conocido abogado y un tempo comisario di polis na nos isla, mr. H. C. Willemsen a worde hiba San Pedro aspiitaal na motibo di un repente quiebra den su salud.

Nos a worde informa sinembargo pa e dokter cu ta cuida cu na e mo-mentanen aki su situacion ta satisfac-torio.

## Feria Don Bosco y Feria Famoso ta atrae gran publico

SAN NICOLAS. — E organisadonan di e Feria Don Bosco no a spera un concurrencia asina grandi riba dias-bra y diadomingo cu a pasa. Ta pesey e milisenan cu e bishita e feria y a laga un suma netchi di fls. 4760.— den caha a caba cu tur e premionan bini y cu henter e provision di e bar y cus-hina. Bon tempan ayera mainta e freeranan mester a busca permit cerea polisnan pa prolonga e feria te cu e proximo week-end. Permit a ser dina y diadabra y diadomingo awor portanan lo ta habri atrobe.

### Feria famoso

Atrobe frere Kaspar y su hendenan ta orgullosos cu e resultado cu nan Feria famoso na Noord a produci fin di siman cu a pasa. Diadabra anochi nan a hanja bishita di mas di 800 parochia-no y e anochi siguiente esaki a subi te na 1300.

E cantidad di placa ricidi tabata diasabra anochi fls. 2475.— y diado-mingo anochi fls. 2800.—.

### Eleccion pa reina

Eleccion pa un reina di feria ta un

### Comunicado di gobierno provisional di Argelia

TUNES, 22 augustus. — Observa-donan tunésino ta considera e comu-nicado dje gobierno provisional argelino, cual a worde publica awe mañi-ta, como un indicacion, cu e „go-bierno provisorio” a bandona tur spe-ranza, cu lo e por jeza na un acuer-do cu presidente De Gaulle di Francia. Nan ta kere cu tin dos posibilidad awor pa e lidernan dje rebeldia, esta buscamiento di mas asistencia di pais-nan estranhero, of uso di un arma di-plomatico nobo, den e caso aki un pe-ticion pa tene un plebisito bao di autorizacion y control di Nacionan Uni.



## Gobierno Mericano lo sigui interesa pa Powers

WASHINGTON, 22 aug. — Presi-dente Eisenhower ta lamenta e pro-paganda ruso cu a acompaña e pro-ces contra e piloto mericano, Powers y e severidad den e sentencia cu el a hanja, asina un portavoz di Casa Blanca a informa.

E presidente a expresa su simpatia cu e miembronan di famia dje piloto. Circulacion mericano a informa, cu

gobierno mericano lo sigui trata na tur manera pa efectua reduccion dje re-juicio di castigo of hasta liberacion, di Powers.

### Powers a jora

Powers a jora ora cu el a mira su mayornan, esposa y ruman muhe, despues dje proces awe mañita. Su famia a hanja oportunidad di pa-pia cune pa un ora, y nan tur tabata jora.

Powers lo mester pasa e prome 3 anjaron dje 10 anjaron di prison cu el a hanja den un prison.

### PAULUS—MICHAEL GROEP DI SAN NICOLAS CU

### Heitje voor een Karweitje

SAN NICOLAS. — Padvindernan di Paulus-Michael groep di San Nic. lo tene dia 25, 26 y 27 di agosto na San Nicolas un loka nan ta jama „Heitje voor een Karweitje” actie. Riba tur e tres dianan aki e verkennernan y welnan lo pasa na e casnan mainta for di 8 pa 12'or y atardi di 4 pa 6'or pa ofrece nan servicio pa haci cuatker trabau chikito di cas.

Di e manera aki nan ta trata na haña suficiente placa pa continua cu e trabounan na nan troephuis.

Algun luna pasa Paulus-Michael groep a hanja un troephuis, na cual nan mes a haci basta trabau pa haci esaki adecuado pa nan uso.

Nan tabata hasta gasta cu esaki y te ainda falta hopi cos ainda pa dre-

Esposa y mayornan di e piloto di e avion U-2 Powers, fotografia riba e ribuna den sala di raud na Moscu, na unda Powers a worde sentencia pa diez aña di castigo.

cha. Ta pesey e padvindernan ta spera na jama e esperacion spontaneo di e hendenan cu nan bishita pa asina co-esta suficiente pa caba cu e troep-huis.

### PELICULA PA MUCHANAN

ORANJESTAD. — Filmdienst di Teritorio Insular di Aruba lo pasa cine pa e muchanan riba siguiente dia 24 agosto na Noord, diaduebs, 25 di agosto na Oranjestad, diabierna, 26 na San Nicolas y 27 na Oranjestad.

Como pelicula principal ta para riba e program: „Tom Driscoll en Patsy zijn ezeltjes”.



### El a muri di heridanan

ORANJESTAD. — Den Nassaustr. a muri di e heridanan ricibi na man di algun mucha baldadi e pushi chikito, cu e muchanan a usa como bala di futbol. Poisanan a bise dos di e mu-chapag mrs. grandi E.M.H. di Serue Blanco y A.Y. di Oranjestad cu tin un proces-verbaal ta warda nan.

F A T U M — Tel.: 1845  
Pa tur bo aseguranon

FUTBOL FUTBOL FUTBOL

### ARUBA VOETBAL BOND

ta presenta

AWENOCHI 23 DI AUGUSTUS PA 7.30

den

WILHELMINA STADION

ESTRELLA I vs. JONG ARUBA

(Hoofdklasse)

ENTRADA: Tribune f 1.00 Staonplaats f 0.50

DOS MUCHA CU UN KAARCHI

FUTBOL FUTBOL FUTBOL









**Company**



# CISCO KID

2. „Ooh!“ 3. „E ta haci do-  
lo!“ „Mucho! Pero e ta pa-  
sa... sigui nuna!“



# JUAN EL INTREPIDO

1. „Menos mal cu Bongo por  
fin a haci caso di mi... quico  
esey ta trece?“ „Un difraz  
cu Yumi a pensa pa hiba bo-  
so dos cu cas di unda lo homo  
bay.“ 2. „Ta un bistrir Tibe-  
tano di novia. Aho y Bongo  
lo ta novios cu ta bolhe pa  
aldea pa hiba bida casa.“ „Y  
Yumi ta pasa pa casamento-  
ro, masha bon, quien lo ta  
e novia?“ 3. „Pero e pregu-  
ta ta di mas...“



# DICK TRACY

2. „Mira, bo ta mi casa! Si  
mi bisa bo cu bo ta worde  
tatuá — lo bo worde tatuá.“  
3. „Lo mi no worde tatuá!  
Mi no quier pa ta tanta di  
niegun mucha. Mi ta prefera  
di ta just mi mes — sra.  
Spots.“ 4. „Hum? Mi ta mie-  
do cu ta awor e trouble a  
cuminzá.“ „Si e simpel bida  
di Hawaii no ta usina simpel  
mas.“



# RIP KIRBY

1. Habilmente Ferret a logra  
salir... „Dispena mi e mole-  
stia lo mi bay.“ „Pero...“  
2. „E no a horta nada. Tal  
vez si e la equivocó di cuar-  
to.“ 3. Y un rato despues...  
„Esey ta lo que tabata den e  
diario.“ „Fortuna Farraday?  
Ta parece un homber conoci.“



# EL PRECIO DEL TRIUNFO

1. „Eddy Chapek ta conoce  
familia Atwell...“ „Ta un pla-  
cer, pa conoce bo h...“ „...  
mi a tende masha hopi di  
bo.“ „Danki, señor.“ 2.  
„Un hoben cortés... y masha  
bon mozo verdad!“ „Pero  
Bryce, bo go ta mira e wa-  
chara bieuw cu Mimi ta  
bay aden?“ 3. „Mi ta pusta  
cu e ta corre mescos di me-  
hor cu bo lujoso convertible,  
querida!“ „Quizas... pero  
algo ta preocupa mi. Bryce...  
den bo entusiasmo pa trece e  
hoben ey na Claymore... bo  
no ta bay usá bo jiu muher  
como haas?“




# EL DIARIO DE UNA VIDA

1. „NO!“ „Of bo ta sinta... of  
bo ta sali di malu!“ 2. „Mi  
compañero tin cabez di e... Vir-  
tud Civica cu e acusado a  
tumba!“ 3. „E ta bisa cu e  
ta escultor, y cu e ta dispu-  
esta pa traha un otro estatua  
na lugar di e escul cu e la  
quibrá... si nan lagele!“




# PEPITA

1. „E hel di e porta no ta  
rí...“ „bo por drechele?“ „Si-  
gur.“ 2. Lorenzo a pone ma-  
no a la obra. 3. Un shon cu  
a feda di rin, a d'icidi di ha-  
bi porta. 4. „Bo tabata sabi  
cu e hel no ta traha?“



## PRINCIPIO DI CONSTRUCCION DI TANKERO GIGANTESCO



Na Rozenburg den e dok di construccion di 300 meter largu di Verolme, nan a pone un construccion di steel di 85 ton pa forma e kiel di e tankero grandi di 78.000 ton, cu Verolme mester entrega cla den termino di 16 luna.

## HOROSCOOP

di awe

ARIESNAN  
11 Maart — 21 April



Un triangulo  
Mercurius Jupi-  
ter ta favorable  
pa corresponden-  
cia y amentu  
cu otro nan.

TAURISNAN  
21 April — 21 Mei




Tira un bista ri-  
ba plaza y pro-  
piedad. Por pre-  
senta masha bon  
noticia pa bo cas  
y familia.

GERMINENAN  
22 Mei — 21 juni




Mercurius Jupi-  
ter ta yuda bo  
den extension di  
bo asuntunan pri-  
va. Controla bo  
financia.

CANCERNAN  
22 Juni — 23 Juli



Mercurius Jupi-  
ter ta desea pa bo  
atende bo in-  
teresan financia-  
ria. Bon opinionan  
ta cai na smaak.

LEONAN  
24 Juli — 23 Augustus



Mercurius Jupi-  
ter ta avisa bo di  
ta na bo punto  
den asuntunan di  
transaccion fi-  
nancia.

VIRGONAN  
24 Augustus — 23 September




Bo asuntunan ta  
bini riba tapete,  
pero quizas bo ta  
inclina na agre-  
sividad mucho  
grandi.

LIBRANAN  
24 September — 23 October




Tin noticia in-  
teresan den ca-  
so di amigo y a-  
liadonan. Pone a-  
tencion particu-  
lar na invitacion-  
nan.

SCORPIONAN  
24 October — 22 November



Waak noticia-  
nan importante  
bon di discusio-  
nan cu por desa-  
rolla bo negoshia-  
nan.

SAGITARIUSNAN  
23 November — 21 December



Mercurius Jupi-  
ter ta trece bon  
noticia y partici-  
pacionnan in-  
teresan di otro-  
nan.

CAPRICORNUSNAN  
22 December — 20 Januari




Noticia cu ta  
drenta por causa  
bo gran placer.  
No descuida bo  
salud pa mucho  
trabao.

ACUARIUSNAN  
21 Januari — 19 Februari



Pa bo cumpli cu  
cierto exigencia-  
nan ta necesario  
pa bo cambia e  
sistema cu bo ta  
hiba awor.

PISCES  
20 Februari — 20 Maart



Spera noticia in-  
teresan den e  
dianan aqur prin-  
cipalmente den  
asunto di trabao.

## Dennis, de schrik van de buurt!



„Moet je dat eens zien! Mijnheer Wilson achtervolgt Dennis!  
Hij loopt als ... als een marathonwinnaar!“

„Bo mester mira un malora aqui. Sr. Wilson ta persigui Den-  
nis. E ta corre manera .... manera un vencedor di marathon!“

## Suspension di transportacion pa Congo

KOPENHAGUE, 22 aug. — Se-  
cretario general Hammarskjöld di  
Nacionnan Uni a suspende e transpor-  
tacion di 50 solda sueco y dunes pa  
Congo doo di un avion de compa-  
nia belga di aviacion „Sabena“. E sol-  
danan lo worde hiba Congo den a-  
vionnan no-belga.